

上元縣志卷六 官守下

良政

晉魯勝字叔時代郡人少有才操元康初由佐著作郎遷建鄴令到官著正天論云以冬至之後立晷測影準度日月星事上不報嘗歲日望氣知將來多故便稱疾去官其著述爲世所稱遭亂遺失惟所注墨辯其序尚存

宋陸徽字休猷吳郡人以尚書都官郎出補建康令清平無私爲太祖所重遷司徒左西曹掾

江秉之字元叔考城人元嘉初以尚書都官郎出爲上元縣志

卷六 良政

丞世令以善政著名遷建康令爲政嚴明京邑肅然

劉秀之字道寶東莞莒人少孤貧有志操元嘉中由無錫令遷建康令除尚書中兵郎再除建康令性織密善糾擿隱微政甚有聲

張丞字景雲吳郡光祿大夫裕季子所謂張氏五龍丞其一也初爲郡主簿後除建康令所居皆有稱蹟

顧憲之字士思吳人元徽中爲建康令時有盜牛者被主認盜者亦稱已牛前後令莫能決憲之至覆



其狀命解牛任所之牛逕還主宅盜者始服其發  
奸摘伏多如此至於權要請託長吏貪殘據法直  
繩無所阿縱性清儉彊力甚得民和故時飲酒者  
得醇旨輒號爲顧建康言清且美焉

沈璞字道真武康人任秣陵令京邑號爲難治璞以  
清嚴制下端平待物奸猾斂手

齊劉元明建康令清儉絕人日惟蔬食性不飲酒嘗  
曰大禹聖人猶絕旨酒况吾人乎吏治爲天下最  
鍾岍字長邱潁州長社人爲建康令著良吏傳十卷  
有能名

上元縣志

卷六

良政

二

孫廉建康令或問曰公發奸摘伏惠化如神何道以  
致此廉曰無他惟清與勤清則憲綱自行勤則事  
無不理聞者服之

王沈秣陵令清廉戒慎身居榮祿而家處貧乏吏民  
有犯法者剖析詳明不刑而服

梁何遠字義方剡縣人高祖初平建康以遠爲令性  
清介秋毫無所受妻子饑寒如極貧者民祠祀之  
樂法才字光備清陽人幼有美名遊京都造沈約約  
見而稱之天監中爲建康令不受俸秩武帝嘉其  
清節曰居職若斯可以爲百城表矣



褚球字仲寶陽翟人少孤貧篤志好學齊建武中爲  
溧陽令在縣清慎公俸之外一無所資天監中轉  
建康令強直不畏權要吏民稱之

孔奐字休文山陰人承聖元年補揚州治中從事史  
時侯景新平諸事草創憲章故事無復存者奐博  
物疆識甄明故實問無不知一時儀文書翰皆出  
其手齊師渡江京邑戒嚴糧運不繼乃除奐貞威  
將軍建康令時累歲兵荒戶口流散勅敵忽至徵  
求無度奐悉心委曲卒破齊軍民無病焉

沈浚字叔源武康人少博學有才幹歷山陰吳建康  
上元縣志  
卷六  
良政  
三  
令並有能名仕至御史中丞以大義責侯景被害  
劉沼字明信魏昌人博學善屬文武帝時爲建康令  
有善政及卒民思之不忘

江革字休映考城人性聰敏有才思天監中爲丹陽  
尹王偉記室頻遷秣陵建康令爲治明肅豪強憚  
之

陳蕭引字升休蘭陵人後主時建康多盜乃以引爲  
令士民懷之殿內朋主吳璉及宦官李善度蔡脫  
兒等多所請屬引一切不許族子密時爲黃門郎  
諫曰李蔡之勢在位皆畏憚之亦宜少爲身計引



曰吾立身自有本末安能爲李蔡改行就令不平  
不過解職耳竟坐免

司馬申字季和溫縣人初爲梁郃陵王主簿屬太清  
之難父母俱歿遂終身蔬食太建九年除秣陵令  
在職以清能見紀有白雀巢於縣庭

唐卜吉光啟中爲上元令安和不擾事至輒了不假  
簿書公餘之暇閉戶讀書不輟

宋梅摯字公儀成都新繁人進士爲上元令後知江  
寧府性純篤不爲矯厲之行政績如其爲人

吳嗣復仁宗時知上元勤敏清廉百姓愛之明道初

上元縣志

卷六

良政

四

爲館閣校勘

元絳字厚之錢塘人仁宗時以江寧推官攝上元令  
民有號王豹子者豪占人田畧男女爲僕妾有欲  
告者則殺以滅口絳捕寘於法有妻告夫爲人所  
殺訊之實不殺絳救其妻曰歸治而夫喪陰使信  
謹吏跡其後見一僧迎笑切切私語絳命取僧繫  
廡下詰妻姦狀卽吐實人問其故絳曰吾見妻哭  
不哀且與傷者共席而襦無血污是以知之安撫  
使范仲淹表其材除秘書省著作佐郎知永新縣  
累官太子少保



李闢之紹興三十二年知上元開誠勤敏才任有餘  
首言金陵鍾山慈仁三鄉實隣大江田疇化爲水  
面乞除虛掛二稅從之時金人南侵帝勞軍江壩  
百司庶府疇布餼廩之屬無一不備以辦理聞召  
見奏章剴切深中時弊

方楷景祐初釋褐歷三任以考課遷衛尉寺丞知上  
元嘗親獲群盜不干賞曰吾盡吾職耳功何有哉  
後五世孫叔恭復試斯邑

趙時僑嘉定十五年知上元嚴以律已恭以臨民不  
嚴而威令行不擾而催科辦撫字之暇百廢皆飭

上元縣志

卷六

良政

五

曹之格淳祐十二年知上元留心政術奸蠹秋毫必  
察豪猾斂迹昧且卽坐廳事校治簿書有訟者立  
與剖斷獄無繫囚境內頌其平

鍾蜚英景定初知上元創建學宇均民賦稅馬光祖  
姚希得皆重之時惟政鄉麥秀兩岐蜚英上其瑞  
理宗勅獎之

元田賢尹上元留心民事夙夜弗怠庶務咸得其宜  
訟獄旣清甯俗以安

明陳與字聚奎慈谿人永樂中知扶溝有善政擢督  
府都事以赤縣煩劇須幹理吏命改上元與被知



遇益自奮勵期月境內天治有婦與外通而殺其夫者將殯負於喪所擒婦鞠得其情誅之人以爲神後改刑部主事仁宗監國時素聞負能及卽位負入奏事謂曰此上元陳知縣乎其受知如此姜德政江山人性明敏曉吏事景泰中知上元撫循惇獨勸課農柔諸所不便於民者皆爲釐革有古循吏風又以農隙修縣治重建明道祠人不知役王定安大興人成化中由進士知上元平易爲理入思之後陞員外郎

馬良陝西人成化中爲上元丞量宏才敏節用愛人上元縣志

卷六 良政

六

有難爲者必以身先之至已之利害不計也由是有名擢本縣令

自思齊字希之山西平定州人正德十三年由鄉貢知上元始縣無志武宗南巡索志不得思齊於是屬生員管景劊製之

程櫛字文純南城人嘉靖十六年由鄉貢知上元廉幹有治才時供億頗繁公私困弊櫛加意節省民得不擾屢決疑獄毀淫祠爲社學自縣治達句容塗中雨輒沒脛行者病焉櫛以贖金修治之其善政爲諸邑最考滿之日囊止俸金七兩自騎一驢



二蒼頭隨之糧長許翺等持八十金候爨於大柳驛進之爨笑曰好良民恐父母餓死耶持歸訓子孫讀書可也竟策驢而去時霍韜爲大宗伯風稜矯矯人咸語曰禮部霍韜天有日上元程爨月無雲其見重於時如此

袁鑑字廣昭廣東揭陽人嘉靖二十八年由鄉貢知上元居官廉儉愛民如子日惟蔬食妻子衣垢敝之服囊無餘資審賦役均平無私吏民皆愛之不忍欺

房韞玉字以輝山西靈石人嘉靖二十八年由鄉貢

上元縣志

卷六

良政

七

知上元時坊廂積弊年而上官多取辦於中有司憚於更張民不堪命韞玉不避譏嫌力申諸司爲之節省民得蘇息生員趙善繼耆民陸辛等率衆建惠澤祠於聚寶門外祀焉

林大黼字朝介福建莆田人萬歷元年由鄉貢知上元聰明仁恕簿書積案一覽無餘吏胥卽大猾者亦莫能窺其意指臨事聽斷如神革去坊廂長改編丁銀省浮費十之七八民感其德立生祠於淳化鎮祀之

程三省字師曾四川富順人萬歷十六年由鄉貢知



上元舊志作於正德末年至是重修邑利弊略具志中二十一年春擢戶部主事

賈應龍號螯菴河南祥符人由舉人知上元端慤慈和不受請屬時有樂只之譽鄉民多溺女應龍再四勸戒多所存活舊時民載坊廂編有丁銀或貧不能納以致流亡應龍條陳上官將丁銀盡推入田畝丁困始甦士民感之

國朝郭士賢遼東人順治六年由貢士知上元八年歲大稔流亡相繼糧額莫辦士賢申請將各院罰贖銀兩盡數糴米入倉不足則以已俸益之二年之

上元縣志

卷六

良政

八

中一水一旱皆用此法民力不困而國儲亦不虧最爲良法

趙聯捷字雋公陝西咸寧人由貢生任丹徒丞丁亥聖祖仁皇帝南巡用廷臣薦擢知上元

賜御書朱子詩在任五年濬河賑荒民咸德之青龍山爲金陵來龍居氓多鑿石其間大傷地脉公屢請憲禁止

唐開陶字晉公四川遂寧人由太學生起家山東臨邑合爲政開誠有幹畧三年擢循猷第一同鄉運清張公素器重之疏請調試劇邑以展驥足



特簡上元令邑志修於萬歷季年

國朝制府于清端公始修通志太守陳公開虞始修郡志而邑志闕焉不講公泣任期年慨然引爲已任開館治城道院六閱月書成噫嘻以斯言之公可謂知治道矣

刁承祖字

直隸人康熙己未進士任上元令邑

當會城之東西北三面民貧賦雜公至設雙鴛單杜櫃書收多填少之弊向例戶司藉署內供給薪炭名目任意侵那絕無忌憚稔知其故悉與革除慎簡方正幕友硃墨筆不一假手內外肅清號稱能吏旋擢太平知府累官廣東布政使年七十有二無疾而終

右合

宋葛邲字楚輔丹陽人以廕授上元丞金人犯江上元當敵衝調度百出邲不擾而辦留守張浚王綸皆重之後知建康府

趙壘之建炎中爲上元丞金人過江諸將引去壘之帥鄉兵迎敵死之贈奉議郎

明袁龍直隸合肥人成化中由監生任上元丞明道祠將廢龍捐俸修治居縣久民愛之如父母爲之

上元縣志

卷六

良政

九



謠曰袁撫民

劉元泰字孟達四川人江人萬歷十四年以官生任上元丞潔已愛民才亦精敏委署縣事深知吏胥叢弊貽小民害於征斂正供外革去冗費清理軍伍裁冗書十六人吏胥畏服無所容奸民忍其遷去競詣上官保留之

右丞

漢蔣子文廣陵人嘗自謂已骨青死當爲神漢末爲秣陵尉遂盜至鍾山下被傷而死後人見子文於道侍從如平生以爲神而祀之代著靈異

上元縣志

卷六

良政

十

宋程顥

見人物

危和臨川人開禧初爲上元主簿大闢祠宇以祀程顥真德秀爲之記

程洙

見人物

右主簿

明隋吉不知何郡人洪武中爲上元典史上言農民之中有一夫一婦受田百畝或四五十畝者當春夏耕種方殷或不幸夫病而婦給湯藥農務旣廢田亦隨荒及病愈則時已過矣上無以供國賦下無以養室家窮困流離職此之由請命鄉里小民



或二十家或四五十家團爲一社每遇農急之時有疾病則一社協力助其耕耘度田不荒蕪民無饑窮百姓親睦而風俗厚矣上善其言命戶部通行曉諭

右典史

明王璠字汝玉以字行蘇之長洲人年十七中浙江鄉試洪武未授應天府訓導以才擢翰林院五經博士永樂初進檢討再進春坊贊善預修永樂大典仁廟在東宮特眷注之爲同列所忌竟以他事下獄死洪熙初贈太子賓客謚文靖

上元縣志

卷六

良政

十一

賀鈞字信夫江西廬陵人鄉舉爲溧水令改應天教授日以孝弟忠信爲訓束脩之間悉却之霍宗伯韜所撰去官記稱其詞不飾以屏僞禮不緝以崇質俗不諧以自立儀不炫以交孚今碑在學宮

章世仁字元卿直隸青陽人嘉靖丁未進士授開州守不拜固請學秩自效改應天教授其教一先行檢嚴立規條不率者請誅不少假或學業精進獎成之娓娓不倦一時門下士造就爲多時臺使黃洪毗禮重公甚一切殿最椅裁于公而人無間然春秋修行舍菜以嚴敬爲多士先陳俎豆滌樽壘



升降楫遜甚都觀者歎息仕至布政司叅議

彭輅字子殷浙江嘉興人嘉靖丁未進士自清江令改應天教授博學強記性迂濶不爲媿阿仕坐此不達進刑部主事員外郎罷歸

王銳字重之直隸吳江人嘉靖庚子舉人以松陽令改應天教授日以課士爲務每一議出必細爲竄定至午夜不休或片語有當嘉歎再四人人爭自奮凡所賞識半登上第性簡直不屑俯仰會直指使者屬秉文衡公固辭曰吾安能提空名攬金幣爲使者怒以勢恫喝之卒不應遷彰州府別駕移

上元縣志

卷六

良政

三

疾歸

胡旦字穉明浙江餘姚人萬歷庚辰進士釋褐教授應天爲人溫厚恬雅莫窺其喜怒講習勸課孜孜不倦諸士敬而愛之仕至岳州太守

吳子玉字瑞穀直隸休寧人以歲貢爲應天訓導博雅工古文一時名流多與之游見才士多盛氣忤物公不謂善也而延接諸生溫溫可愛慕以此推爲長者卒於學署

華復元字貞季毘陵人父雲尚書戶部郎富而好禮常語公曰吾家豈待汝祿活期汝者行誼耳故公



少卽知自立會耿在倫倡道東南公心好其號每  
片語出輒摹刻而傳之由訓導徙辟雍徙戶部如  
父官

右明應天府學官八人附載

光縣志

卷六

封爵

三



封爵 附 邑人受封者不錄

漢丹陽侯劉敢 以下俱江都易王非子並以元朔元

秣陵侯劉纏 年封敢六年薨謚哀無後國除

湖熟侯劉胥 終十五年薨謚終無後國除

吳丹陽侯孫肩 大帝在後弟卒無

晉丹陽侯孫楷 本吳臨城侯降晉封

秣陵侯戴淵 廣陵人後為王

丹陽侯孫韶

丹陽侯張闓

唐丹陽縣子顏真卿

上元縣志 卷六 封爵